

## Script of Evening Gojri News Bulletin 13 September 2024 at 1700 Hrs

ایوننگ گو جری نیوز بلیٹن مورخہ 13 ستمبر 2024

\*\*\*\*\*

یوہ آکاشوانی جموں بے نصرت چودھری تے محمداکرم چودھری تیں خبر سُنو۔ پہلاں خاص خاص خبر۔

\*\*\*\*\*

- \* 1۔ جموں کشمیر گزنوی فورس غا اک فرد نانہ جموں کشمیر غا پونچھ مانہ گرنیڈ غے نال گرفتار کیو گیو ہے۔
- \* 2۔ ووٹر بیداری پیدا کرن واسطے مرکزی زیر انتظام علاقہ مانہ سویپ سرگرمیاں گو اک سلسلو منعقد کیو جا رہیو ہے۔
- \* 3۔ جموں کشمیر مانہ انتخابات غا تیجا تے آخری مرحلہ واسطے کاغذات نامزدگی غی جانچ اج ہو رہی ہے۔
- \* 4۔ تے بھارت نے 2 دناں مانہ زمین تیں فضا مانہ 2 میزانیلاں غو کامیاب تجربو کیو۔

\*\*\*\*\*

خبران غی تفصیل نال پہلاں نصرت چودھری۔

### Poonch Arms

سلامتی دستاں نے جموں کشمیر غا پونچھ ضلع مانہ جموں کشمیر گزنوی فورس سنگ منسلک اک شخص نانہ گرفتار کیو ہے۔ پولیس، فوج تے سی آر پی ایف غی 38 ویں ہٹالین جمعرات غی شام نانہ پوٹھا بانی پاس ور چیکنگ غے کر رہیا تھا۔ چیکنگ غے دوران انہاں نے اک شخص نانہ سرنکوٹ تیں پوٹھا غی طرف آتاں دیکھیو جہیڑو مشکوک نظر آيو تے اس نانہ روکیو جد انہاں نے اس غی تلاشی لی تاں انہاں نانہ اک نیلا رنگ غو بیگ لبو۔ جس مانہ 3 دستی بم، دھماکہ خیز مواد تے دیگر مشکوک چیز تھیں تحقیقات تیں پتو لگو کہ وہ پاکستان گا زیر قبضہ جموں کشمیر مانہ کسی غا رابطہ مانہ تھو۔ جس نے اس نانہ سرنکوٹ تیں یاہ اشیاء حاصل کرن واسطے کہیو تھو۔ پولیس معاملہ غی چھان بین کر رہی ہے تے جلد ہی مزید گرفتاریاں گو اندیشو ہے۔

\*\*\*\*\*

### SVEEP Rajouri

ضلع راجوری غا سرکاری ہائر سکینڈی اسکول دلہوری مانہ اج ضلع چناؤ افسر ابھشیک شرما تے نوڈل افسر راکیش شرما غی نگرانی مانہ سویپ پروگرام غو انعقاد کیو گیو۔ اس دوران اک بڑی سویپ ریلی ہائر اسکینڈری اسکول دلہوری توں دلہوری بازار تک کڈی گئی، جس مانہ کافی تعداد مانہ طالب علمان نے شمولیت کر غے لوکاں نانہ ووٹ کھلن غے متعلق بیدار کیو۔ نوڈل افسر نے انتخابی شرکت غا پارہ مانہ بیداری پیدا کرن مانہ سویپ سرگرمیاں غی اہمیت نانہ اجاگر کیو۔ اس پروگرام غے دوران طالب علمان نانہ ووٹ غا بارے تے جمہوری عمل مانہ اُن غا کردار واسطے اجاگر کیو گیو۔ آکاشوانی نیوز نال گل کرتاں واں پہلی بار ووٹ کھلن آلا اک شہری نے اس طرح کہیو۔۔۔ ہائٹ۔۔۔

\*\*\*\*\*

### DC Jammu SVEEP

اج جموں غا ضلع چناؤ افسر سچن کمار ویشے نے اعلان کیو کہ وے لوکاں نانہ ووٹینگ غا بارہ مانہ آگاہ کرن تے انتخابات مانہ زیادہ تیں زیادہ حصولین غی ترغیب دین غی

کوشش مانہہ اضافو کریں گا۔ جہیڑو ووٹینگ غا تیجا مرحلہ غی تیاریاں غو حصو ہے۔ جس مانہہ پہلی اکتوبر نانہہ ووٹینگ وے گی۔ انہاں نے کہیو ہے وے اس گل نانہہ یقینی بنان واسطے کڑی نظر رکھیں گا کہ ہر کوئی چناؤ غے دوران مثالی ضابطہ اخلاق غی پیروی کرے۔ آکاشوانی نال گل کرتاں واں انہاں نے اس طرح کہیو۔۔۔ بانٹ۔۔۔  
\*\*\*\*\*

### Bhaderwah SVEEP

سویپ اقدام غے تحت جموں یونیو رسٹی غا بہدرواہ کیمپس نے لال دید آڈوٹوریم مانہہ دستخط مہم گو انعقاد کیو۔ بہدرواہ کیمپس گا الیکٹورل رجیسٹریشن افسر عارف حلیم خطیب نے کہیو کہ اس تقریب غو مقصد اخلاقی ووٹینگ نانہہ فروغ دینو، ووٹر گا حقوق غا بارہ مانہہ بیداری پیدا کرن تے انتخابات مانہہ حصولین غی اہمیت ور زور دینو ہے۔ آکاشوانی نال گل کرتاں واں انہاں نے اس طرح کہیو۔۔۔ بانٹ۔۔۔  
\*\*\*\*\*

### SVEEP Poonch

ووٹینگ غی اہمیت تے ملک غامستقبل ور اس غا اثرات نانہہ اُجاگر کرن واسطے پونچھ گا پریڈ چوک مانہہ اک نوکڈ ناٹک پیش کیو گیو۔ اس تقریب غو انعقاد سویپ اقدام غے تحت کیو گیو تھو۔ ڈرامو جس غو عنوان تھو

### Voting: The power of Democracy

یعنی ”ووٹ جمہوریت غی طاقت ہے“ اس گل ور زور کہلیو گیو کہ ہر ووٹ گو شمار وے تے سامعین تیں انتخابات مانہہ حصولین غی تاکید کی گئی۔ فنکاری غی پُر جوش پرفارمنس نانہہ ہجوم نے خوب سراہیو۔ سویپ غا ضلع نوڈل افسر لال حسین نے طلباء غی بہترین کا رکردگی غی تعریف کی تے کہیو۔۔۔ بانٹ۔۔۔  
\*\*\*\*\*

### Scrutiny Nominations

جموں کشمیر مانہہ تیجا تے آخری مرحلہ غے تحت چناؤ غا سلسلہ مانہہ کاغذات نامزدگی غی پڑتال آج کی جا رہی ہے۔ اس سلسلہ مانہہ کاغذات داخل کرن غی آخری تاریخ گذشتہ روز رکھی گئی تھی۔ تیجا مرحلہ واسطے 4 سو 83 امیدواراں نے کاغذات نامزدگی دائر کیا تھا۔ کاغذات واپس لین غی تاریخ 17 ستمبر نانہہ رکھی گئی ہے۔ واضع رہے کہ اس مرحلہ غے تحت 1 اکتوبر نانہہ 40 اسمبلی حلقاں مانہہ ووٹ کہلیا جائیں گا تے یوٹی غے اندر پہلا مرحلہ غے تحت اس مہینہ غی 18 تا ریخ نانہہ ووٹ کہلیا جائیں گا۔ تے نال ہی دوجا مرحلہ غے تحت 25 ستمبر نانہہ ووٹ کہلیا جائیں گا۔ تے ووٹاں غی گنتری اگلا مہینہ غی 8 تا ریخ نانہہ مقرر کی گئی ہے۔  
\*\*\*\*\*

یہ خبر تم آکاشوانی جموں تیں سن رہیا ہیں خبراں غا باقی حصہ نال محمد اکرم چودھری۔

### DRDO Missile

دفاعی ذرائع نے دسیو ہے کہ جمعہ آئے تہاڑے اڑیشہ ساحل غا چنڈی پور توں انٹی گریٹیڈ ٹیسٹ رینج تیں لگاتار دوجے تہاڑے زمینی سطح توں تھوڑا فاصلہ ور ہوائی میزائل داغ غو کامیاب تجربو کیو ہے۔ دفاعی تحقیق تے ترقیات تنظیم ڈی آر ڈی او غا اک بیان نے تصدیق کی ہے کہ 12 تے 13 تا ریخ غا دوائے تجربہ کا میاب رہیا ہیں۔ وزیر دفاع راج ناتھ سنگھ نے ڈی آر ڈی او، بھارتیہ بحریہ تے تمام متعلقہ فریقوں غی زمینی سطح توں تھوڑا فاصلہ ور عمودی ہوائی میزائل داغ واسطے کامیاب تجربہ واسطے تعریف کی ہے۔

انہاں نے کہیو جے یوہ میزائیل جدید تکنیک نال لیس تھو جہیڑو فوجی دستاں نانہہ تکنیکی طور وں مزید مضبوط بناوے گو۔ واضع رہ جے دفاعی تحقیق تے ترقیات تنظیم ڈی آر ڈی او تے بھارتی بحریہ نے لگاتار وی ایل ایس آر ایس اے میزائیل سسٹم گا کامیاب تجربہ کیا ہیں۔ جس مانہہ دوجوسلسلہ وار تجربو گذشتہ روز اڑیشہ چندی پور مجموعی ٹیسٹ رینج توں کیو گیو۔

\*\*\*\*\*

### Postal Ballot Voting

ضلع ڈوڈہ مانہہ پوسٹل بیلٹ غے ذریعے ووٹ کہن غی کا روئی اج باضابطہ طور وں شروع کی گئی۔ تے اس دوران 6 ہزار توں زیا دہ ملازمین نے پوسٹل بیلٹ غے ذریعے اپنا حق رائے دیہی غو استعمال کیو۔ اس پہل غو مقصد اس گل نانہہ یقینی بنانو ہے جے چناوی ڈیوٹی وں معامور ملازم بنا کسے رکاوٹ اپنی جمہوری عمل مانہہ شمولیت حاصل کر سکے گو۔ ضلع چناؤ افسر ہر ویندر سنگھ نے ووٹینگ غا عمل نانہہ ہموار بنان وں لو کہلی۔ اس دوران انہاں نے کہیو جے ہر اک اسمبلی حلقہ مانہہ 3 کو نٹر قائم کیا گیا ہیں۔ جت ملازمین بنا کسے رکاوٹ اپنا حق رائے دیہی غو استعمال کر رہیا ہیں۔ اس با رہ مانہہ جانکا ری دیتاں وں انہاں نے اس طرح کہیو۔۔۔بائٹ۔۔۔

\*\*\*\*\*

### Ramban Training

رام بن ضلع مانہہ اج تقریباً 83 ملازمین بشمول خواتین جن مانہہ رام بن تے بانہال حلقاں مانہہ 8 ماڈل پولینگ مرکز وں تعینات کیو جا نے گو۔ نانہہ الیکٹرانک ووٹینگ مشیناں ای وی ایم نانہہ چلان غے متعلق تربیت دتی گئی۔ نوڈل افسر شکیل احمد رونیال غے مطابق ہر اک اسمبلی حلقہ مانہہ اک گلابی چناؤ بوتھ خصوصی طور وں خواتین واسطے وے گو۔ تے ہر حلقہ مانہہ اک یو تھ پولینگ بوتھ خصوصی طور وں 35 سال تیں کہٹ عمر گا مرداں واسطے وے گو۔ تے نال ہی ہر اک حلقہ مانہہ اک پی ڈبلیو ڈی یعنی معزور افراد واسطے خصوصی طور وں پولینگ مرکز وے گو۔ یوہ قدم جمہوری تہوار مانہہ سب غی شرکت نانہہ یقینی بنان تے اُن غا اعتما د نانہہ برقرار رکھن گا سلسلہ مانہہ کیو گیو ہے۔ آکاشوانی نال گل کرتاں وں اک کالسری ملازم نے اس طرح کہیو۔۔۔بائٹ۔۔۔

\*\*\*\*\*

### FSSAI Instructions

خوراک غی حفاظت تے معیار ات اتھارٹی آف انڈیا نے تمام ریاستاں تے مرکزی زیر انتظام علاقان نانہہ ہدایت دتی ہے کہ تہواراں گا دناں مانہہ ملاوٹ شدہ مٹھائی، کھانو تے دودھ غی مصنوعات غی تیاری تے فروخت وں سختی تیں رکھیں۔ انہاں نے یوہ وی کہیو ہے کہ تہواراں گا دناں مانہہ اس طرح غی بد دیاندتی نانہہ روکن واسطے مہم چلانی جا نے۔ اک خط مانہہ ایف ایس ایس اے آئی نے کہیو کہ تہواراں گا دناں مانہہ مٹھائی، دودھ، گھی، کھویا تے پنیر غی مانگ بدھ جا نے۔ اس بدھتی وی مانگ تیں لوک زیا دہ منافو کمان واسطے چیزاں مانہہ ملاوٹ کریں۔ اُن نانہہ روکن واسطے ایف ایس ایس اے آئی نے مشورو دتو ہے کہ مصروف بازاراں مانہہ خصوصی جانچ کی جانی چاہیے۔ تانجے مصنوعات غی حفاظت نانہہ یقینی بناو جا سکے۔

\*\*\*\*\*

### E Buses

پہاری صنعتاں تے سٹیل گا مرکزی وزیر ایچ ڈی کمار سوامی نے اعلان کیو ہے کہ حال ہی مانہ منظور شدہ ”پرائم منسٹر ای بس سیوا پے منٹ سکیورٹی میکنزم“ اسکیم مالی سالان غے درمیان 38 ہزار تیں زیادہ ای بساں غی تعیناتی مانہ سہولت فراہم کرے گی۔ جہیڑی کہ 25/2024 تے 29/2028 تک ہے۔ انہاں نے وضاحت کی ہے کہ وزیر اعظم نریندر مودی غی قیادت مانہ مرکزی کابینہ نے پبلک ٹرانسپورٹ اتھارٹی غے ذریعے ای بسس غی خریداری مانہ مدد واسطے 3 ہزار 4 سو 35 عشاریہ 33 کروڑ روپیہ غی اخراجات غے نال اس اسکیم نانہ منظور دی دے دتی ہے۔ یاہ اسکیم ای بس غی مرمت نانہ ان غی تعیناتی تیں بعد 13 سال تک مدد کرے گی۔ جناب کمار سوامی نے یوہ وی نوٹ کیو کہ فی الحال پی ٹی اے غی طرفوں چلائی جان آلی زیادہ تر بس ڈیزل یاہ سی این جی چلیں جہیڑی ماحول ور منفی اثر چھوڑیں۔ جد کہ ای بس زیادہ ماحول دوست ہیں تے ان غا چلان مانہ لاگت کھٹ ہے۔

\*\*\*\*\*

اس غے نال ہی خبراں غو یوہ بلیٹن ختم ہوؤ۔